

慈濟大學宗教與文化研究所

九十二學年度碩士班入學考試【國文】試題

此文件經過圖書館整理,所有內容應以原單位之文件為主,請至該單位網頁參考

國文試題：50 %

依據你對以下經文的瞭解，闡述本文段所示之主要論點，並說明其目的為何。
如是我聞。一時。佛住迦微伽羅牟真陀林中時。有年少名多羅。是波羅奢那弟子。來詣佛所。恭敬問訊已。退坐一面。爾時。世尊告多羅。汝師波羅奢那為汝等說修諸根不。多羅言。說已。瞿曇。佛告多羅。汝師波羅奢那云何說修諸根。多羅白佛言。我師波羅奢那說。眼不見色。耳不聽聲。是名修根。佛告多羅。若如汝波羅奢那說。盲者是修根不。所以者何。如唯盲者眼不見色。爾時。尊者阿難在世尊後。執扇扇佛。尊者阿難語多言。如波羅奢那所說。瞽者是修根不。所以者何。如唯瞽者耳不聞聲。爾時。世尊告尊者阿難。異於賢聖法。律無上修諸根。阿難白佛言。唯願世尊為諸比丘說賢聖法。律無上修根。諸比丘聞已。當受奉行。

佛告阿難。諦聽。善思。當為汝說。緣眼。色。生眼識。見可意色。欲修如來厭離正念正智。眼。色緣生眼識。不可意故。修如來不厭離正念正智。眼。色緣生眼識。可意不可意。欲修如來厭離。不厭離正念正智。眼。色緣生眼識。不可意可意。欲修如來不厭離。厭離正念正智。眼。色緣生眼識。可意不可意。可不可意。欲修如來厭。不厭。俱離捨心住正念正智。如是。阿難。若有於此五句。心善調伏。善關閉。善守護。善攝持。善修習。是則於眼。色無上修根。耳。鼻。舌。身。意法亦如是說。阿難。是名賢聖法。律無上修根。